

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za boračka pitanja, Vlada Zeničko-dobojskog kantona, na 19. sjednici, održanoj dana 10.05.2023. godine, d o n o s i

ZAKLJUČAK

I.

Prima se na znanje Informacija o dodjeli sredstava novčane egzistencijalne naknade za demobilizirane branioce u 2022. godini Ministarstva za boračka pitanja.

II.

Informacija iz tačke I. čini sastavni dio ovog zaključka.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 10.05.2023. godine

Z e n i c a

DOSTAVLJENO:

1x Ministarstvo za boračka pitanja,

1x a/a

Bosna i Hercegovina
Federacija Bosne i Hercegovine
Zeničko-dobojski kanton
MINISTARSTVO ZA BORAČKA PITANJA

INFORMACIJA
o dodjeli sredstava novčane egzistencijalne naknade
za demobilizirane branioce u 2022. godini

Zenica, april 2023. godina

DIO PRVI- UVOD

Glavni strateški cilj Ministarstva za boračka pitanja Zeničko-dobojskog kantona (u daljem tekstu: Ministarstvo) je poboljšanje statusa i ostvarivanja prava branilaca i članova njihovih porodica na području Zeničko-dobojskog kantona (u daljem tekstu: ZDK). Zakonom o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 54/19) u nadležnost kantonalnim ministarstvima data je obaveza donošenja propisa kojim će se regulisati ostvarivanje prava na novčanu egzistencijalnu naknadu demobiliziranih branilaca do navršanih 57 godina života. Postupajući po navedenom Ministarstvo je među prvima u Federaciji Bosne i Hercegovine donijelo podzakonski akt Uredbu o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21), kojom je omogućilo navedenoj kategoriji ostvarivanje predmetnog prava. Članom 4. stav (6) Zakona o izmjenama i dopunama zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 29/22) utvrđena je obaveza kantonima da svojim propisima urede uslove, način i postupak ostvarivanja prava na egzistencijalnu naknadu supruga umrlih demobiliziranih branilaca životne dobi do 57 godina. Poštujući navedenu zakonsku odredbu Vlada ZDK je, na prijedlog Ministarstva, donijela Uredbu o izmjenama i dopunama Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 18/22) kojom je supružnicima umrlih demobiliziranih branilaca, do navršene dobi od 57 godina života, omogućila ostvarivanje prava na novčanu egzistencijalnu naknadu uz ispunjenje propisanih uslova. Pored navedenog ovim izmjenama omogućeno je ostvarivanje prava na novčanu egzistencijalnu naknadu demobiliziranim braniocima sa 12 mjeseci provedenih u Oružanim snagama u periodu od 06.04.1992-23.12.1995. godine, te je povećan iznos osnovice sa 4KM na 5KM.

U cilju što efikasnije i transparentnije raspodjele sredstava namijenjenih za novčanu egzistencijalnu naknadu, Ministarstvo je, nakon pribavljanja saglasnosti od Federalnog ministarstva za pitanja boraca odbrambeno-oslobodilačkog rata, zaključilo ugovor o implementaciji modula za obračun i isplatu egzistencijalne naknade sa ovlaštenom softverskom kućom IN2 d.o.o. Sarajevo. Istim se daje mogućnost Ministarstvu da koristi informatičku aplikaciju ISVDV sistema, a u cilju obrade podataka u postupku obračuna i isplate egzistencijalne naknade za demobilizirane branioce sa područja ZDK. Na taj način Ministarstvo je obezbijedilo postojanje jedinstvene baze podataka svih korisnika novčane egzistencijalne naknade, kao i efikasnog praćenja utroška sredstava namijenjenih u tu svrhu.

U svom radu Ministarstvo se pridržava osnovnih principa i načela, pa polazeći od načela transparentnosti u radu, a u skladu sa poglavljem „Plan normativnih aktivnosti Vlade Zeničko-dobojskog kantona za 2023. godinu“, tačkom B3. Programa rada Vlade ZDK za 2023. godinu koji je usvojen Zaključkom Vlade ZDK broj: 02-30-1536/23 od 27.01.2023. godine, ovaj organ uprave dostavlja Vladi ZDK Informaciju o dodjeli sredstava novčane egzistencijalne naknade za demobilizirane branioce u 2022. godini (u daljem tekstu: Informacija), te prijedlog Zaključka o prihvatanju iste.

Ova Informacija daje prikaz o postupanju po predmetima u prvostepenom i revizionom postupku, kao i finansijski prikaz istih za period januar-decembar 2022. godine.

DIO DRUGI- PRAVNI OSNOV

POGLAVLJE I- ZAKONSKI I PODZAKONSKI PROPISI

Zakon o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 54/19 i 29/22- u daljem tekstu: Zakon) je predvidio set prava koja, pod uslovima propisanim istim, mogu ostvariti demobilizirani branioци i članovi njihovih porodica. Tako je članom 4. stav (1) tačka e) Zakona definisana mogućnost ostvarivanja prava na novčanu egzistencijalnu naknadu. Za demobilizirane branioce koji su navršili 57 godina života novčana sredstva za ostvarivanje i korištenje prava na novčanu egzistencijalnu naknadu osiguravaju se u Budžetu Federacije, a za demobilizirane branioce mlađe od 57 godina života novčana sredstva osiguravaju se u Budžetu Kantona. Uzimajući u obzir navedeno, članom 20. Zakona propisana je obaveza kantona da svojim propisima urede uslove, način i postupak ostvarivanja prava na novčanu egzistencijalnu naknadu. Postupajući u skladu sa navedenim Vlada ZDK je na 8. vanrednoj sjednici, održanoj dana 31.03.2020. godine, usvojila Uredbu, koja je objavljena 06.04.2020. godine u Službenim novinama ZDK broj: 6.

Poštivajući odredbe člana 3. i 4. Zakona o zaštiti ličnih podataka („Službeni glasnik BiH“, broj: 49/06, 76/11 i 89/11) ukazala se potreba za usklađivanjem gore navedenog podzakonskog akta sa istima. Nadalje, vođenjem predmetnih upravnih postupaka tokom 2020. i 2021. godine uočeni su nedostaci u smislu nejasnog definisanja određenih pojmova koji su od značaja u postupku odlučivanja, gdje se ukazala potreba za izmjenama i dopunama Uredbe. Slijedom navedenog usvojena je Uredba o izmjenama i dopunama Uredbe o novčanoj egzistencijalnoj naknadi za demobilizirane branioce i objavljena u Službenim novinama ZDK broj: 15/21.

Donošenjem Zakona o izmjenama i dopunama zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 29/22) omogućeno je ostvarivanje prava na novčanu egzistencijalnu naknadu i supružnicima umrlih demobiliziranih branilaca. Članom 4. stav (6) istog Zakona, utvrđena je obaveza kantonima da svojim propisima urede uslove, način i postupak ostvarivanja navedenog prava. S tim u vezi, Uredbom o izmjenama i dopunama Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 18/22) kao korisnici prava na novčanu egzistencijalnu naknadu predviđeni su i supružnici umrlih demobiliziranih branilaca životne dobi do 57 godina. Pored toga članom 2. stav (3) navedene Uredbe izmjenjen je period sa 24 mjeseca na 12 mjeseci provedenih u Oružanim snagama u periodu od 06.04.1992-23.12.1995. godine potreban za ostvarivanje prava na novčanu egzistencijalnu naknadu, a članom 4. stav (1) povećan iznos osnovice sa 4 KM na 5 KM.

POGLAVLJE II- UREDBA O NOVČANOJ EGZISTENCIJALNOJ NAKNADI ZA DEMOBILIZIRANE BRANIOCE

Novčana egzistencijalna naknada je mjesečna novčana naknada koju Ministarstvo, na osnovu usvojenog programa utroška sredstava Budžeta Kantona planiranih na odjeljku Ministarstva za tekuću budžetsku godinu, odobrava i isplaćuje demobiliziranim braniocima i supružnicima umrlih demobiliziranih branioca koji ispunjavaju uslove iz Uredbe, a sve u svrhu poboljšanja njihovog materijalnog položaja, odnosno socijalno-ekonomske situacije u kojoj se nalaze.

Članom 2. Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20, 15/21 i 18/22- u daljem tekstu: Uredba) propisani su uslovi koje demobilizirani branilac i supružnik umrlog demobiliziranog branioca treba ispuniti kako bi ostvario pravo na dodjelu novčane egzistencijalne naknade, kako slijedi:

- a) nema navršenu dob od 57 godina života;
- b) ima prebivalište na području Kantona u trajanju od najmanje dvije godine u kontinuitetu, osim supružnika umrlog demobiliziranog branioca povratnika u Republiku Srpsku;
- c) je u periodu od 06.04.1992. do 23.12.1995. godine u sastavu Oružanih snaga proveo najmanje 12 mjeseci;
- d) je kao nezaposleno lice na evidenciji nadležne službe za zapošljavanje u periodu od najmanje 12 mjeseci prije podnošenja zahtjeva za ostvarivanje prava; ili ima utvrđenu nesposobnost za rad i privređivanje; ili je korisnik penzije u iznosu od 50% minimalne penzije isplaćene u Federaciji Bosne i Hercegovine za decembar 2019. godine (185,88 KM) ili nižem;
- e) ima utvrđena ukupna primanja zajedničkog domaćinstva koja ne prelaze iznos prosječne neto plaće isplaćene u Kantonu za 2019. godinu.

Ministarstvo je vodilo računa o demobiliziranim braniocima koji imaju priznat status ratnog vojnog invalida, koji su pristupili Oružanim snagama, a koji imaju period učešća u Oružanim snagama kraći od perioda utvrđenog u gore navedenoj tački c), na način da će njihovi zahtjevi biti uzeti u razmatranje kao zahtjevi demobiliziranih branioca koji imaju period učešća u Oružanim snagama od 24 mjeseca.

Način podnošenja zahtjeva i potrebna dokumentacija koja se prilaže uz isti regulisani su članovima od 6-8. Uredbe. Gradska/općinska služba donosi rješenje kojim odobrava ili odbija zahtjev za priznavanje prava na novčanu egzistencijalnu naknadu, koje dostavlja podnosiocu zahtjeva. Po pravosnažnosti rješenja prvostepeni organ isto, u tri primjerka i kompletnim spisom predmeta, dostavlja Ministarstvu radi provođenja postupka revizije. Članom 11. Uredbe, u postupku revizije, Ministarstvo može dati saglasnost

na prvostepeno rješenje ukoliko ocjeni da je isto zakonito i pravilno doneseno, ili može izmijeniti, poništiti i vratiti na ponovno rješavanje prvostepenom organu ili sam drugačije riješiti upravnu stvar, ukoliko ocijeni da rješenje sadrži formalno-pravne nedostatke. U provedenim postupcima revizije uočeno je da je rad prvostepenih organa na izuzetno zavidnom nivou, što pokazuje podatak da je Ministarstvo u ukupnom broju zaprimljenih rješenja procentualno na ista dalo 87,42 % saglasnosti, 3,19 % istih poništilo i vratilo na ponovni postupak i 9,16 % izmijenilo svojim rješenjem. Navedeno potvrđuje i broj zaprimljenih žalbi u Ministarstvu, kojih je u odnosu na ukupan broj zahtjeva bilo 3,19 %.

Članom 12. Uredbe regulisano je da po žalbama, izjavljenim na prvostepena rješenja, rješava Ministarstvo kao drugostepeni postupajući organ. Ministarstvo je od ukupnog broja zaprimljenih žalbi (15 žalbi) njih 80 % rješenjem odbilo i 20 % donijelo rješenje o ponovnom postupku.

DIO TREĆI- BROJČANI PRIKAZ OBRAĐENIH ZAHTJEVA, ŽALBI I FINANSIJSKIH SREDSTAVA

POGLAVLJE I- BROJČANI PRIKAZ OBRAĐENIH ZAHTJEVA

U periodu januar-decembar 2022. godine Ministarstvo je zaprimilo ukupno 469 predmeta sa zahtjevom za priznavanje prava na novčanu egzistencijalnu naknadu sa prvostepenim rješenjima i propisanom dokumentacijom od strane nadležnih službi za boračko-invalidsku zaštitu svih dvanaest općina/ grad Kantona.


U Tabeli 1. dat je prikaz rezultata izvršene revizije po prvostepenim predmetima. Ista se vršila u skladu sa članom 11. Uredbe na način da se na prvostepena rješenja daje saglasnost, ili se ista mogu izmijeniti, poništavati i vratiti na ponovno rješavanje ili Ministarstvo samo rješava upravnu stvar.

TABELA 1.

OPĆINA/ GRAD	SAGLASNOST	IZMIJENJENO PRVOSTEPENO RJEŠENJE	PONIŠTENO I VRAĆENO NA PONOVNI POSTUPAK	PONIŠTENO I RJEŠENO	OBNOVA POSTUPKA	UKUPNO PREDMETA PO GRADOVIMA /OPĆINAMA
Breza	16	0	0	0	0	16
Doboj Jug	11	1	0	0	0	12
Kakanj	35	5	1	0	0	41
Maglaj	22	14	2	0	0	38
Olovo	15	0	1	0	0	16
Tešanj	72	1	1	0	0	74
Usora	10	0	0	0	0	10
Vareš	10	1	0	0	0	11
Visoko	62	8	4	0	0	74
Zavidovići	70	11	3	0	1	85
Zenica	59	0	1	0	0	60
Žepče	28	2	2	0	0	32
UKUPNO	410	43	15	0	1	469

Slika 1. daje prikaz ukupnog broja zahtjeva po gradovima/općinama u ZDK. Najveći broj zahtjeva je podnesen u općini Tešanj, gradu Zavidovići, Visoko i Zenici te dalje kako slijedi.

SLIKA 1.



POGLAVLJE II- BROJČANI PRIKAZ ZAPRIMLJENIH ŽALBI

Ministarstvo je zaprimilo i ukupno obradilo 15 žalbi iz šest gradova/općina Kantona. Općine Breza, Olovo, Usora, Vareš i Visoko nisu prosljedile nijednu žalbu Ministarstvu u 2022. godini, dok je najveći broj zaprimljen iz grada Zenica. Sve žalbe su riješene u zakonom propisanom roku.

POGLAVLJE III- FINANSIJSKI PRIKAZ UTROŠKA SREDSTAVA

Po okončanju revizionog postupka nadležni prvostepeni organi pristupaju kreiranju evidencionih kartona korisnika u ISVDV sistemu, što znači da će takvi korisnici biti na slijedećoj isplati novčane egzistencijalne naknade. Ministarstvo nadležnim Služama za boračko-invalidsku zaštitu dostavlja obavijest o načinu obračuna i isplate sredstava novčane egzistencijalne naknade za svaki mjesec, a u skladu sa sredstvima Budžeta Kantona osiguranim za tu svrhu na budžetskoj stavci Ministarstva. Navedena obavijest sadrži podatke o visini koeficijenta i datumu isplate mjesečnog obračuna. Isplata novčane egzistencijalne naknade se vrši direktno na transakcijske račune poslovnih banaka u kojima korisnici prava imaju otvorene tekuće račune.

Treba imati u vidu da vremenski period vođenja revizionog postupka, te vrijeme koje je potrebno prvostepenim organima za kreiranje evidencionih kartona korisnika, utiču na razliku u broju aktivnih korisnika (korisnici koji se nalaze na obračunskim listama) i pasivnih korisnika (korisnika kojima je priznato pravo na novčanu egzistencijalnu naknadu, ali se nisu uspjeli uvrstiti u obračunske liste za taj mjesec).

Ukupan broj aktivnih korisnika novčane egzistencijalne naknade u decembru 2022. godine iznosio je 3.338 korisnika.

Tabela 2. prikazuje broj korisnika egzistencijalne naknade po mjesecima u 2022. godini i gradovima

TABELA 2.

RB	GRAD/ OPĆINA	BROJ KORISNIKA NOVČANE EGZISTENCIJALNE NAKNADE PO MJESECIMA U 2022.GODINI											
		1.	2.	3.	4.	5.	6.	7.	8.	9.	10.	11.	12.
1	BREZA	87	88	88	87	87	85	85	86	85	81	90	87
2	KAKANJ	210	210	209	209	203	200	202	202	198	194	201	212
3	MAGLAJ	355	347	349	343	333	331	328	329	326	316	309	311
4	OLOVO	126	126	125	126	126	126	126	126	127	121	124	124
5	TEŠANJ	582	587	598	591	588	579	581	581	574	529	524	521
6	USORA	78	77	76	77	76	75	75	76	74	74	72	73
7	VAREŠ	64	64	62	64	64	62	62	64	61	60	61	58
8	VISOKO	450	452	453	453	451	453	454	448	444	440	443	447
9	ZAVIDOVIĆI	579	571	565	573	570	573	565	568	554	545	550	548
10	ZENICA	671	666	652	652	647	647	630	624	621	615	616	609
11	ŽEPČE	332	328	320	319	316	314	310	310	303	288	288	291
12	DOBOJ-JUG	160	156	160	155	153	151	102	81	74	56	56	57
UKUPNO		3.694	3.672	3.657	3.649	3.614	3.596	3.520	3.495	3.441	3.319	3.334	3.338

U Budžetu ZDK za 2022.godinu („Službene novine Zeničko-dobojskog kantona“, broj: 1/22) na razdjelu 24, budžetska organizacija 01, potrošačka jedinica 0001, ekonomski kod 614 200, subanalitika OAD 224- „Novčana egzistencijalna naknada“, obezbijedena su budžetska sredstva u iznosu od 7.000.000,00 KM. Odlukom o preraspodjeli rashoda Ministarstva finansija ZDK broj: 07-03-01-01/11-480/22 od 17.01.2022. godine budžetska stavka- „Novčana egzistencijalna naknada“ se smanjila za 60.000,00 KM. Izmjenama i dopunama Budžeta ZDK za 2022. godinu („Službene novine Zeničko-dobojskog kantona“, broj: 14/22) iznos za navedenu namjenu uvećan je za 822.000,00 KM. Odlukom o preraspodjeli rashoda Ministarstva finansija ZDK broj: 07-03-01/11-480-3-1/22 od 29.09.2022. godine budžetska stavka- „Novčana egzistencijalna naknada“ se smanjila za 117.390,00 KM, a Odlukom broj: 07-03-01/11-480-4-1/22 od 03.11.2022. godine iznos je umanjen za 200.000,00KM. U konačnici Izmjenama i dopunama Budžeta ZDK za 2022. godinu („Službene novine Zeničko-dobojskog kantona“, broj: 23/22) budžetska stavka- „Novčana egzistencijalna naknada“ je iznosila 7.064.610,00 KM.

Tabela 3. daje finansijski prikaz utrošenih sredstava u svrhu isplate novčane egzistencijalne naknade po mjesecima u 2022. godini i gradovima/općinama u ZDK.

TABELA 3.

RB	GRAD/ OPĆINA	IZNOS ISPLAĆENIH SREDSTAVA ZA NOVČANU EGZISTENCIJALNU NAKNADU PO MJESECIMA U 2022. GODINI												UKUPNO U 2022.
		JANUAR	FEBRUAR	MART	APRIL	MAJ	JUNI	JULI	AUGUST	SEPTEMBAR	OKTOBAR	NOVEMBAR	DECEMBAR	
1	BREZA	13.588,00	13.788,00	13.688,00	13.492,00	13.492,00	13.196,00	13.392,00	13.396,00	13.240,00	15.890,00	17.890,00	16.545,00	171.587,00
2	KAKANJ	28.864,00	28.912,00	28.796,00	28.840,00	28.036,00	27.732,00	28.340,00	27.776,00	27.352,00	33.211,00	34.684,00	37.395,00	359.938,00
3	MAGLAJ	56.784,00	55.404,00	55.985,00	54.872,00	53.264,00	52.892,00	52.312,00	52.652,00	51.980,00	62.920,00	61.575,00	61.755,00	672.395,00
4	OLOVO	20.820,00	20.820,00	20.652,00	20.832,00	20.800,00	21.160,00	20.804,00	20.804,00	20.890,00	24.845,00	25.305,00	25.305,00	263.027,00
5	TEŠANJ	94.388,00	96.500,00	98.260,00	95.092,00	95.564,00	92.728,00	95.300,00	94.400,00	93.216,00	106.030,00	105.010,00	106.222,00	1.172.710,00
6	USORA	12.356,00	12.124,00	11.948,00	12.128,00	11.964,00	11.804,00	11.848,00	12.172,00	11.632,00	14.530,00	14.390,00	14.420,00	151.316,00
7	VAREŠ	9.864,00	9.864,00	9.504,00	9.840,00	9.880,00	9.588,00	9.600,00	9.900,00	9.500,00	11.655,00	11.720,00	11.215,00	122.130,00
8	VISOKO	67.928,00	69.580,00	68.740,00	68.752,00	69.516,00	69.914,00	69.556,00	68.188,00	66.836,00	82.836,00	83.834,00	84.590,00	870.270,00
9	ZAVIDOVIĆI	94.688,00	92.452,00	90.672,00	98.896,00	94.416,00	94.316,00	90.708,00	92.088,00	90.320,00	108.633,00	108.590,00	108.751,00	1.164.530,00
10	ZENICA	93.560,00	93.688,00	91.936,00	93.584,00	90.500,00	91.608,00	88.744,00	87.376,00	86.776,00	109.269,00	110.421,00	106.709,00	1.144.171,00
11	ŽEPČE	51.184,00	50.772,00	49.344,00	49.212,00	48.724,00	48.948,00	47.816,00	47.844,00	46.672,00	55.258,00	55.060,00	55.370,00	606.204,00
12	DOBOJ-JUG	25.128,00	24.540,00	25.160,00	24.400,00	24.092,00	23.680,00	16.060,00	12.864,00	11.708,00	11.220,00	11.165,00	11.385,00	221.402,00
	UKUPNO	569.152,00	568.444,00	564.685,00	569.940,00	560.248,00	557.566,00	544.480,00	539.460,00	530.112,00	636.287,00	639.644,00	639.662,00	6.919.680,00

Iz gore navedenih podataka utvrđuje se da je iznos utrošenih sredstava u odnosu na raspoloživa sredstva 97,95%, što govori o pravilnoj procjeni broja korisnika, te efikasnoj obradi zahtjeva istih.

Dijagram 1. prikazuje iznos utrošenih sredstava za novčanu egzistencijalnu naknadu u 2022. godini.

DIJAGRAM 1.

Iz dijagrama 1. uočljiv je nagli porast utrošenih sredstava u mjesecu oktobar 2022. godine. Isto je rezultat stupanja na snagu Uredbe o izmjenama i dopunama Uredbe o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 18/22) kojom su uvedeni u pravo supružnici umrlih demobiliziranih branilaca životne dobi do 57 godina i demobilizirani branioци sa ratnim stažom manjim od 24 mjeseca, i povećana osnovica sa 4 KM na 5 KM.

DIO ČETVRTI- ZAKLJUČAK

Navedeni brožčani prikazi su pokazatelj da je veliki broj demobiliziranih branilaca u lošoj socijalno-ekonomskoj situaciji, te da Vlada ZDK u saradnji sa Ministarstvom vodi računa o ugroženim kategorijama branilačke populacije i nastoji poboljšati njihov materijalan položaj. Kroz vođenje postupaka revizije za utvrđivanje prava na novčanu egzistencijalnu naknadu, zaključuje se da veliki broj demobiliziranih branilaca živi u domaćinstvima bez ikakvih primanja, odnosno da u većini slučajeva ni supružnici istih nisu u radnom odnosu. Pored toga, demobilizirani branioци su roditelji dvoje ili više djece koja se školuju i kojima isti moraju obezbijediti osnovne uslove za život. Primjetna je i činjenica da je većina demobiliziranih branilaca narušenog zdravstvenog stanja, što je otežavajuća okolnost u njihovom zaposlenju. S tim u vezi zaključuje se da su to porodice koje žive na rubu egzistencije i kojima je ovaj vid materijalne pomoći jedini prihod u domaćinstvu.

Ministarstvo je u korespondenciji sa nadležnim prvostepenim organima informisano o postojanju potencijalnih korisnika, supružnika umrlih demobiliziranih branilaca koji se u 2022. godini nisu vodili na evidenciji nezaposlenih lica kod nadležnih službi za zapošljavanje, a što je uslov za ostvarivanje predmetnog prava. S tim u vezi očekivati je povećan broj zahtjeva istih u toku tekuće kalendarske godine, što se treba imati u vidu prilikom raspolaganja sredstvima na budžetskoj stavci- „Novčana egzistencijalna naknada“.

Imajući u vidu uticaj inflacije u našem društvu, te rast potrošačke korpe, smatranja smo da se ovaj vid podrške demobiliziranim branioциma od strane Vlade ZDK treba nastaviti i poboljšavati u budućnosti.

MINISTAR

Adnan Sirovica